

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՀԱՄԱԿԱՐԳԻ
ՁԵՐԲԱԿԱԼՎԱԾ ԱՆՁԱՆՅ ՊԱՀԵԼՈՒ ՎԱՅՐԵՐՈՒՄ ՎԵՐԱՀՄԿՈՂՈՒԹՅՈՒՆ
ԻՐԱԿԱՆԱՑՆՈՂ ՀԱՍԱՐԱԿԱԿԱՆ ԴԻՏՈՐԴԱԿԱՆ ԽՈՒՄԲ

№ 2621/1391

06.12.2013թվ.

ՀՀ ոստիկանության պետ,
գեներալ-լեյտենանտ
պարոն. Վ. Գասպարյանին


Հարգելի պարոն Գասպարյան,

Դիտորդական խումբը իր ուսումնասիրությունների արդյունքում պարզել է, որ ՀՀ –ում գործող ոչ մի ՁՊՎ-ում չի ապահովում ՀՀ կառավարության 05.06.2008թ-ի թիվ 574-Ն որոշմամբ սահմանված 66-րդ կետի պահանջները: Մասնավորապես նշված դրույթով կառավարությունը նախատեսել է, որ ՀՀ –ում գործող բոլոր ՁՊՎ-ներում ոստիկանության բաժնի պետերի / իսկ ՀՀ ոստիկանության Երևան քաղաքի վարչության Երևանի ՁՊՎ-ի պետը/ պետք է սահմանեն ՁՊՎ-ում հեռախոսազանգից օգտվելու ժամանակացույցը:



Ելնելով վերոգրյալից, խնդրում ենք նշել, ներքին կանոնակարգի 66-րդ կետի պահանջի չպահպանման պատճառները:

Հարգանքներով՝

ՀՀ ոստիկանության համակարգի ձերբակալված
անձանց պահելու վայրերում վերահսկողություն
իրականացնող հասարակական Դիտորդական
խմբի նախագահ՝



Հ. Սահակյան





ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՇՏԱԲ

375025, ք. Երեւան, Նալբանդյան 130 հեռ. 59-65-94

N 2/2-1-3661

<< 25 >> 12 2013թ.

«Ոստիկանության համակարգի ձերբակալված անձանց պահելու վայրերում հասարակական դիտորդների խմբի նախագահ

Հասմիկ Սահակյանին

Հարգելի տիկին Սահակյան

«Ոստիկանությունում քննարկվել է Ձեր 06.12.2013թ. թիվ 2621/1391 գրությունն, որի կապակցությամբ տրվում է հետևյալ մեկնաբանությունը.

«Ոստիկանության համակարգում գործող ՁՊՎ-ներում կատարված ուսումնասիրությունների արդյունքում պարզվել է, որ ՁՊՎ-ներում պահված անձանց կողմից տեսակցությունից հրաժարվելու և այն հեռախոսազրույցով փոխարինելու վերաբերյալ գրավոր դիմումներ չեն ստացվել՝ հետևաբար հեռախոսազրույցների ժամանակացույց կազմելու անհրաժեշտություն չի առաջացել:

Միաժամանակ հայտնվում է, որ «Ոստիկանության Երևան քաղաքի և մարզային վարչություններին տրվել են համապատասխան հանձնարարականներ՝ նմանատիպ դիմումներ ներկայացնելու դեպքում կազմել հեռախոսազանգից օգտվելու ժամանակացույց՝ ղեկավարվելով «կառավարության 05.06.2008թ. թիվ 574-Ն որոշմամբ հաստատված ««Ոստիկանության համակարգում գործող ձերբակալվածներին պահելու վայրերի ներքին կանոնակարգ»-ի 65-րդ և 66-րդ կետերի պահանջներով:

«Ոստիկանության շտաբ